

Zuraida digesa tenang, fokus

Kuala Lumpur: Naib Presiden PKR, Zuraida Kamaruddin disaran supaya tenang dan fokus sepenuhnya kepada menjawab butiran pertuduhan dikeluarkan Lembaga Disiplin parti, kata Setiausaha Agung PKR, Datuk Saifuddin Nasution Ismail.

Menurut beliau, isu pengaruh kepemimpinan tertinggi parti tidak seharusnya menjadi persoalan sebaliknya langkah paling wajar diambil adalah memberikan penjelasan melalui surat tunjuk sebab serta menyerahkan proses selanjutnya kepada Lembaga Disiplin.

"YB (Zuraida) diberi masa untuk jawab segala pertuduhan terbabit jadi saya syorkan beliau tenang menghadapi keadaan ini dan beri tumpuan



ZURAIDA

sepenuhnya untuk jawab.

"Semoleknya beliau tidak perlu ada sebarang prasangka lain, gunakan masa ditetapkan Lembaga Disiplin untuk berikan penjelasan, itu yang terbaik.

"Kalau penjelasan dianggap munasabah, ia akan dinilai Lembaga Disiplin dan mereka akan hantar syor kepada MPP (Majlis Pimpinan Pusat) sebelum MPP muktamadkan keputusannya," katanya pada sidang media di sini, semalam.



**“
Semoleknya
beliau tidak perlu
ada sebarang
prasangka lain
Saifuddin Nasution**